

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA THELATHINI NA NANE

31 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA THELATHINI NA NANE- TAREHE 31 MEI, 2017

I. DUA:

II. HATI ZA KUWASILISHA MEZANI:

WAZIRI WA NISHATI NA MADINI:

Randama za Makadirio ya Mapato na Matumizi ya Wizara ya Nishati na Madini kwa Mwaka wa Fedha 2017/2018.



III. MASWALI:

OFISI YA RAIS (TAMISEMI):



307. MHESHIMIWA AYSHAROSE NDOGHOLI
MATTEMBE (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Watumishi wa Sekta ya Afya hususan Madaktari wanatakiwa kuishi kwenye maeneo ya kazi ili inapotokea akahitajika inakuwa rahisi kuwahi kwenda kutoa huduma kwa Wagonjwa. Hata hivyo, katika Mkoa wa Singida

Watumishi wengi wa Sekta ya Afya wanaishi mbali na eneo la kazi na hivyo kuwa changamoto kubwa na wakati mwingine kusababisha vifo vya Wagonjwa wakiwemo Wajawazito:-

Je, Serikali ina mikakati gani ya kuhakikisha Watumishi wa Sekta ya Afya wanakuwa na makazi kwenye maeneo jirani na ikiwa ni pamoja na kuboresha nyumba chache zilizopo pamoja na kujenga nyingine mpya.

308. MHESHIMIWA ALLAN JOSEPH KIULA (IRAMBA MASHARIKI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wilaya ya Mkalama ni mpya na haina vitendea kazi kama vile magari katika Idara ya Afya na huduma za dharura zinapatikana Makao Makuu huku Tarafa zikiwa zimetawanyika hivyo Wananchi hasa Wajawazito na Watoto wamekuwa wakipoteza maisha kabla ya kufika Hospitali kwa kukosa usafiri:-

Je, ni lini Serikali itatoa gari la Wagonjwa (*ambulance*) tatu kwa kila Tarafa ikiwemo Makao Makuu ili kunusuru vifo hivyo.

**WIZARA YA AFYA, MAENDELEO YA JAMII, JINSIA,
WAZEE NA WATOTO:**

**309. MHESHIMIWA KEMIREMBE JULIUS LWOTA
(VITI MAALUM):**

Atamuuliza Mheshimiwa Waziri wa Afya,
Maendeleo ya Jamii, Jinsia, Wazee na Watoto:-

Je, ni lini Serikali itaanza ujenzi wa duka la dawa
la MSD kwenye Hospitali Teule ya Sengerema.

WIZARA YA KILIMO, MIFUGO NA UVUVI:

**310. MHESHIMIWA QAMBALO WILLY QULWI
(KARATU):**

Atamuuliza Mheshimiwa Waziri wa Kilimo, Mifugo
na Uvuvi:- Miaka ya karibuni zao la Mbaazi
limechangia kipato kwa Wakulima baada ya
kupata bei nzuri katika masoko. Katika msimu wa
2016/2017 bei ya zao hili ilishuka hadi kufikia
Tshs.900 kwa kilo moja ukilinganisha na bei ya
Tshs.2800 kwa kilo moja kwa msimu wa
2015/2016:-

(a) Je, Serikali ina mpango gani wa
kuwaunganisha Wakulima wa zao hilo na
masoko yaliyoko ndani na nje ya nchi ili
waweze kupata bei nzuri;

(b) Wapo Wanunuzi wa zao hilo, mathalani Kampuni ya Kilimo Market wanachukua mazao ya Wananchi na kuchelewa kuwalipa fedha zao;

Je, ni nini kauli ya Serikali dhidi ya Makampuni ya namna hiyo.

311. MHESHIMIWA JUMAA HAMIDU AWESO (PANGANI):

Atamuuliza Mheshimiwa Waziri wa Kilimo, Mifugo na Uvuvi:- Licha ya Wilaya ya Pangani kubarikiwa kuwa na Bahari ya Hindi, Wavuvi wa Pangani hawajanufaika ipasavyo na Bahari hiyo:-

Je, Serikali ina mpango gani wa kuwasaidia Wavuvi wa Pangani mitaji pamoja na vitendea kazi.

WIZARA YA UJENZI, UCHUKUZI NA MAWASILIANO:

312. MHESHIMIWA KABWE ZUBERI RUYAGWA ZITTO (KIGOMA MJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Mamlaka ya Usimamizi wa Usafirishaji wa Ardhini na Majini

(SUMATRA) hutoa vibali vya usafiri kwa Wavuvi wa Ziwa Tanganyika:-

- (a) Je, ni kifungu gani cha Sheria kinaipa mamlaka SUMATRA kutoza ushuru kwa Wavuvi na wakati huo huo haifanyi hivyo kwa matrekta kwenye kilimo;
- (b) Je, Serikali haioni kuwa inadidimiza Wavuvi kwa kuwarundikia tozo nyingi na kuwafanya waendeleo kuwa maskini.

WIZARA YA MAMBO YA NJE NA USHIRIKIANO WA AFRIKA MASHARIKI:

313. MHESHIMIWA KHATIB SAID HAJI (KONDE):

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Serikali imekuwa ikiwataka Watanzania waliopo nje ya nchi kuwekeza katika miradi ya maendeleo nchini ili kusaidia kukuza uchumi wetu na hatimaye kuongeza ajira kwa Watanzania:-

Je, kwa nini Serikali inashindwa kuweka Sheria ya Uraia wa nchi mbili ili iwe rahisi kwa Watanzania hao kuitikia wito huo.

WIZARA YA VIWANDA, BIASHARA NA UWEKEZAJI:

314. MHESHIMIWA DEOGRATIAS FRANCIS NGALAWA (LUDEWA):

Atamuuliza Mheshimiwa Waziri wa Viwanda, Biashara na Uwekezaji:- Miradi ya makaa ya mawe ya Mchuchuma na Liganga imekuwa ikiwekwa katika mipango ya Serikali katika Awamu karibu zote Nne zilizopita; Hata Awamu hii ya Tano bado miradi hii imewekwa:-

- (a) Je, ni lini Wananchi walioachia maeneo yao ili kupisha miradi hii watalipwa fidia yao;
- (b) Je, ni lini miradi hii itaanza kazi;
- (c) Je, ni kweli Serikali imejipanga kuhakikisha miradi hii inaanza.

315. MHESHIMIWA MWANNE ISMAIL MCHEMBA (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:- Mkoa wa Tabora upo tayari kwa ajili ya uwekezaji wa EPZ uliotengewa eneo katika Wilaya ya Uyui:-

Je, ni lini Serikali italeta Wawekezaji katika Mkoa wa Tabora.

WIZARA YA MAJI NA UMWAGILIAJI:

316. MHESHIMIWA JOHN PETER KADUTU (ULYANKULU):

Atamuuliza Mheshimiwa Waziri wa Maji na Umwagiliaji:-

- (a) Je, ni lini Serikali itaunganisha Jimbo la Ulyankulu katika miradi ya maji toka Ziwa Victoria na maji toka Mto Malagarasi;
- (b) Je, Serikali iko tayari kuyakinga maji ya Mto Igombe ili kuwa na bwawa kubwa ambalo litapunguza shida ya maji.

IV. HOJA ZA SERIKALI:

WAZIRI WA FEDHA NA MIPANGO:

Kwamba, Bunge sasa likubali kupitisha Makadirio ya Mapato na Matumizi ya Wizara ya Fedha na Mipango kwa Mwaka wa Fedha 2017/2018.

(Majadiliano yanaendelea)

**DODOMA
31 MEI, 2017**

**DKT. T. D. KASHILILAH
KATIBU WA BUNGE**